

26/1-167-son

30-dekabr 2024-yil.



“TASDIQLAYMAN”
Iqtisodiyot va moliya vaziri
o‘rinbosari

_____ G. Raximova

2024-yil “_____”-dekabr

Iqtisodiyot va moliya vazirligi, uning tarkibiy va hududiy
tuzilmalarida korrupsiyaga qarshi kurashish dasturi ijrosi
yuzasidan o‘tkazilgan yig‘ilish
-sonli _____BAYONI

2024-yil ____ - dekabr

Toshkent shahri

Raislik qiluvchi:

– G. X. Raximova – Iqtisodiyot va moliya
vaziri o‘rinbosari.

Qatnashuvchilar:

– Iqtisodiyot va moliya vazirligining Korrupsiyaga
qarshi kurashish va komplayens nazorati bo‘limi
xodimlari, vazirlik markaziy apparati tegishli
tuzilmalari (*Inson resurslarini rivojlantirish va
boshqarish departamentining Kadrlarni saralash
boshqarmasi, Ishlar boshqarmasi, Ma’muriy
binolardan foydalanish boshqarmasi, Ichki audit
xizmati boshqarmasi*) rahbarlari.

Kun tartibi:

**1. Iqtisodiyot va moliya vazirligi tizimida korrupsiyaga qarshi kurashish dasturi
ijrosi to‘g‘risida.**

(G. Raximova, F. Berdiyev, A.Ravshanov, O. Jo‘rayev, R. Ibragimov,
D. Yuldashxo‘ja, G. Raximova)

Ma'lumki, O'zbekiston Respublikasi Prezidentining 2022-yil 12-yanvardagi "Korrupsiyaga qarshi kurashish ishlarining samaradorligini reyting baholash tizimini joriy etish chora-tadbirlari to'g'risida" PQ-81-son hamda 2022-yil 11-maydagi "Davlat boshqaruvi sohasida korrupsiyaviy xavf-xatarlarni bartaraf etish mexanizmlarini takomillashtirish va ushbu sohada jamoatchilik ishtirokini kengaytirish chora-tadbirlari to'g'risida" PQ-240-son Qarorlariga muvofiq, davlat organlari va tashkilotlari, shu jumladan, mahalliy davlat hokimiyati organlarida korrupsiyaga qarshi kurashish bo'yicha chora-tadbirlarning samaradorligini tahlil qilish, baholash va kamchiliklarni bartaraf etishga qaratilgan korrupsiyaga qarshi kurashish ishlarining samaradorligini reyting baholash tizimi hamda har bir funktsiya bo'yicha aniqlangan korrupsiyaviy xavf-xatarlarning tavsifi va darajasi, ularni bartaraf etish bo'yicha choralarni o'z ichiga oluvchi korrupsiyaviy xavf-xatarlar xaritasini tuzish amaliyoti yo'lga qo'yilgan.

Iqtisodiyot va moliya vazirligiga yuklatilgan vazifalarga muvofiq amalga oshiriladigan **893 ta** funktsiya bo'yicha "E-anticor.uz" elektron platformasiga kiritilgan tegishli ma'lumotlar asosida "E-anticor.uz" elektron platformasida vazirlik faoliyatidagi korrupsiyaviy xavf-xatarlar xaritasi shakllantirildi.

Shuningdek, "E-anticor.uz" elektron platformasida korrupsiyaviy xavf-xatarlar xaritasidagi **893 ta** funktsiyadan **886 tasida** korrupsiyaviy xavf-xatarlar "**past**", **7 tasida** korrupsiyaviy xavf-xatarlar "**o'rta**" darajada **avtomatik tarzda** baholanib, Iqtisodiyot va moliya vazirligi, uning tarkibiy va hududiy tuzilmalarida **korrupsiyaga qarshi kurashish dasturi** shakllantirilgan.

"E-anticor.uz" elektron platformasida shakllantirilgan korrupsiyaviy **xavf-xatarlar xaritasi** hamda **korrupsiyaga qarshi dasturi** Iqtisodiyot va moliya vaziri tomonidan tasdiqlangan.

Iqtisodiyot va moliya vazirligi, uning tarkibiy va hududiy tuzilmalarida **korrupsiyaga qarshi kurashish dasturi** ijrosini ta'minlash va korrupsiyaviy xavf-xatarlar "**o'rta**" darajada baholangan funktsiyalarning xavf-xatarlar darajasini minimallashtirish bo'yicha chora-tadbirlar amalga oshirildi.

Xususan, "**o'rta**" darajadagi korrupsiyaviy xavf-xatari mavjud funktsiyalar bo'yicha lavozimlar va ushbu lavozimlardagi mas'ul xodimlar ro'yxati shakllantirildi.

Korrupsiyaviy xavf-xatari "**o'rta**" darajadagi funktsiyalarni minimallashtirish maqsadida ushbu funktsiyalarga mas'ul bo'lgan lavozimlardagi jami **28 nafar** xodimda korrupsiyaga nisbatan muvofiqlik munosabatini shakllantirish, korrupsiyaviy holatlarga yo'l qo'ymaslik maqsadida Iqtisodiyot va moliya vazirligi tizimida korrupsiyaviy xavf-xatarga moyil lavozimlarda faoliyat yurituvchi xodimlarni korrupsiyaga qarshi kurashish sohasida **maxsus o'qitish** bo'yicha **DASTUR** qabul qilindi.

Mazkur dasturda korrupsiyaga qarshi kurashishning asosiy prinsiplari, huquqiy asoslar va xalqaro standartlar hamda korrupsiyaviy va manfaatlar to'qnashuvi bo'yicha huquqbuzarliklarning ma'muriy va jinoiy javobgarligi kabi mavzular nazarda tutilgan bo'lib, korrupsiyaviy xavf-xatari "**o'rta**" darajadagi funktsiyalarga mas'ul xodimlarning **jami 14 soatlik o'quv dasturida** ishtiroki ta'minlandi hamda maxsus o'qitish yakunlari bo'yicha yakuniy test sinovlaridan o'tkazildi.

Shuningdek, joriy yilda Iqtisodiyot va moliya vazirligi va vazirlikning hududiy bo'linmalarida jami **483 ta** korrupsiyaga qarshi kurashish sohasida davlat siyosatini amalga oshirish, xodimlarning huquqiy ongi va madaniyatini yuksaltirish, korrupsiyaga nisbatan murosasiz munosabatni shakllantirish hamda manfaatlar to'qnashuvini aniqlash, bartaraf etish va oldini olish, korrupsion huquqbuzarlik bo'yicha javobgarlikning muqarrarligi mavzularida seminar-trening, davra suhbatlari kabi tadbirlar o'tkazildi.

Ushbu tadbirlarda birinchi navbatda korrupsiyaviy xavf-xatarlar **“o'rta”** darajadagi funksiyalarni bajaruvchi xodimlar ishtiroki ta'minlandi.

Shuningdek, korrupsiyaviy xavf-xatarlarning oldini olish maqsadida Qoraqalpog'iston Respublikasi Iqtisodiyot va moliya vazirligi, viloyatlar va Toshkent shahri Iqtisodiyot va moliya bosh boshqarmalarining Inson resurslarini rivojlantirish va boshqarish hamda Buxgalteriya tuzilmalarining **77 nafar** xodimi ham **14 soatlik maxsus o'quv dasturida** ishtiroki ta'minlandi hamda o'qitish yakunlari bo'yicha yakuniy test sinovlaridan o'tkazildi.

Yuqorida qayd qilingan korrupsiyaviy xavf-xatarlar darajasini minimallashtirish bo'yicha amalga oshirilgan chora-tadbirlardan kelib chiqib, kun tartibidagi masala yuzasidan yig'ilish

QAROR QILADI:

1. Iqtisodiyot va moliya vazirligi, uning tarkibiy va hududiy tuzilmalarida korrupsiyaga qarshi kurashish dasturi ijrosi yuzasidan chora-tadbirlar amalga oshirilgani ma'lumot uchun qabul qilinsin.

2. Korrupsiyaviy xavf-xatarlar darajasi **“o'rta”** deb baholangan funksiyalarni amalga oshiruvchi tuzilmalar o'zlariga yuklatilgan vazifalarni bajarishda tegishli funksiyalarning xavf-xatarlar darajasini yanada minimallashtirish choralari ko'rsin.

3. Korrupsiyaga qarshi kurashish va komplayens nazorati inspeksiyasi (F. Berdiyev) Inson resurslarini rivojlantirish va boshqarish departamenti (S. Axmedov) bilan hamkorlikda korrupsiyaviy xavf-xatarlar xaritasi va korrupsiyaga qarshi kurashish dasturida belgilangan vazifalar ijrosi yuzasidan nazorat va monitoring ishlarini yanada samarali va sifatli tarzda olib borilishi hamda korrupsiyaviy xavf-xatarlar xaritasida belgilangan funksiyalarning korrupsiyaviy xavf-xatari **“past”** darajada saqlanishini ta'minlash yuzasidan doimiy profilaktik chora-tadbirlar amalga oshirilishini ta'minlasin.

4. Tashkiliy ishlar va ijro intizomi boshqarmasi (F. Xamdamov) mazkur yig'ilish bayonining vazirlik markaziy apparati tegishli tarkibiy tuzilmalari va hududiy bo'linmalarga yetkazilishini ta'minlasin.

Yig'ilish kotibi

O. Samadov

**Korrupsiyaviy xavf-xatarlar darajasi “o‘rta” darajada baholangan
funksiyalarning xavf-xatar darajasini minimallashtirish yuzasidan
amalga oshirilgan chora-tadbirlar to‘g‘risida
MA’LUMOT**

O‘zbekiston Respublikasi Prezidentining 2022-yil 11-maydagi “Davlat boshqaruvi sohasida korrupsiyaviy xavf-xatarlarni bartaraf etish mexanizmlarini takomillashtirish va ushbu sohada jamoatchilik ishtirokini kengaytirish chora-tadbirlari to‘g‘risida”gi PQ-240-son Qarorida Iqtisodiyot va moliya vazirligiga yuklatilgan vazifalarga muvofiq amalga oshiriladigan **893 ta** funksiya bo‘yicha tegishli ma’lumotlar [“E-anticor.uz”](https://anticor.uz) elektron platformasiga kiritildi.

Kiritilgan ma’lumotlar asosida [“E-anticor.uz”](https://anticor.uz) elektron platformasida vazirlik faoliyatidagi korrupsiyaviy xavf-xatarlar xaritasi shakllantirildi.

Shuningdek, [“E-anticor.uz”](https://anticor.uz) elektron platformasida korrupsiyaviy xavf-xatarlar xaritasidagi **893 ta** funksiya dan **886 ta** sida korrupsiyaviy xavf-xatarlar **“past”**, **7 ta** sida korrupsiyaviy xavf-xatarlar **“o‘rta”** darajada **avtomatik tarzda** baholanib, Iqtisodiyot va moliya vazirligi, uning tarkibiy va hududiy tuzilmalarida **korrupsiyaga qarshi kurashish dasturi** shakllantirilgan.

[“E-anticor.uz”](https://anticor.uz) elektron platformasida shakllantirilgan korrupsiyaviy xavf-xatar xaritasi hamda korrupsiyaga qarshi dasturi Iqtisodiyot va moliya vaziri tomonidan tasdiqlangan (*Korrupsiyaviy xavf-xatarlar xaritasi hamda korrupsiyaga qarshi kurashish dasturi ilova qilinadi*).

Iqtisodiyot va moliya vazirligi, uning tarkibiy va hududiy tuzilmalarida **korrupsiyaga qarshi kurashish dasturi** ijrosini ta’minlash va korrupsiyaviy xavf-xatarlar **“o‘rta”** darajada baholangan funksiyalarning xavf-xatarlar darajasini minimallashtirish uchun quyidagi chora-tadbirlar amalga oshirildi.

Jumladan, **“o‘rta”** darajadagi korrupsiyaviy xavf-xatari mavjud funksiyalar bo‘yicha lavozimlar va ushbu lavozimlardagi mas’ul xodimlar ro‘yxati shakllantirildi (ro‘yxat ilova qilinadi).

Korrupsiyaviy xavf-xatari **“o‘rta”** darajadagi funksiyalarni minimallashtirish maqsadida ushbu funksiyalarga mas’ul lavozimlardagi jami **28 nafar** xodimlarda korrupsiyaga nisbatan murosasiz munosabatni shakllantirish, korrupsiyaviy holatlarga yo‘l qo‘ymaslik maqsadida Iqtisodiyot va moliya vazirligi tizimida korrupsiyaviy xavf-xatarga moyil lavozimlarda faoliyat yurituvchi xodimlarni korrupsiyaga qarshi kurashish sohasida [maxsus o‘qitish](#) bo‘yicha **DASTUR** qabul qilindi (*Dastur ilova qilinadi*).

Mazkur dasturda korrupsiyaga qarshi kurashishning asosiy prinsiplari, huquqiy asoslar va xalqaro standartlar hamda korrupsiyaviy va manfaatlar to‘qnashuvi bo‘yicha huquqbuzarliklarning ma’muriy va jinoiy javobgarligi kabi mavzular nazarda tutilgan bo‘lib, korrupsiyaviy xavf-xatari **“o‘rta”**

darajadagi funksiyalarga mas'ul xodimlarning **jami 14 soatlik o'quv dasturida** ishtiroki ta'minlandi hamda maxsus o'qitish yakunlari bo'yicha yakuniy test sinovlaridan o'tkazildi (*test natijalari ilova qilinadi*).

Shuningdek, joriy yilda Iqtisodiyot va moliya vazirligi va vazirlikning hududiy bo'linmalarida jami **483 ta** korrupsiyaga qarshi kurashish sohasida davlat siyosatini amalga oshirish, xodimlarning huquqiy ongi va madaniyatini yuksaltirish, korrupsiyaga nisbatan murosasiz munosabatni shakllantirish hamda manfaatlar to'qnashuvini aniqlash, bartaraf etish va oldini olish, korrupsion huquqbuzarlik bo'yicha javobgarlikning muqarrarligi mavzularida seminar-trening, davra suhbatlari kabi tadbirlar o'tkazildi.

Ushbu tadbirlarda birinchi navbatda korrupsiyaviy xavf-xatarlar **“o'rta”** darajadagi funksiyalarni bajaruvchi xodimlar ishtiroki ta'minlandi.

Shuningdek, korrupsiyaviy xavf-xatarlarning oldini olish maqsadida Qoraqalpog'iston Respublikasi Iqtisodiyot va moliya vazirligi, viloyatlar va Toshkent shahri iqtisodiyot va moliya bosh boshqarmalarining inson resurslarini rivojlantirish va boshqarish hamda buxgalteriya tuzilmalarining **77 nafar** xodimi ham **14 soatlik maxsus o'quv dasturida** ishtiroki ta'minlandi hamda o'qitish yakunlari bo'yicha yakuniy test sinovlaridan o'tkazildi (*test natijalari ilova qilinadi*).

Korrupsion holatlarning oldini olish, xodimlarning bajarayotgan funksiyalaridan moddiy manfaatdorlik olishini ko'zlamasligi maqsadida vazirlikda xodimlarning ijtimoiy-iqtisodiy ahvolini yaxshilash bo'yicha har bir xodimning ish samaradorligiga qarab **rag'batlantirish tizimi yo'lga qo'yilgan.**

Korrupsiyaviy xavf-xatar darajasi **“o'rta”** deb baholangan funksiyalarni minimallashtirish bo'yicha korrupsiyaga qarshi kurashish bo'yicha tasdiqlangan dastur yuzasidan **korrupsiyaviy xavf-xatarga moyil tuzilmalar tomonidan quyidagi vazifalar amalga oshirilgan.**

1-band bo'yicha:

Vazirlikka tegishli bino va inshootlardan unumli foydalanish, hududni ozoda saqlash, obodonlashtirish, ta'mirlash, kapital qurilish, kommunal xizmat ko'rsatish va mol-mulkni ishlatilishi yuzasidan Ishlar boshqarmasi tomonidan **ish-reja** va unga muvofiq **chora-tadbirlar** ishlab chiqilib, **amaliyotga joriy etilgan.**

Vazirlikka tegishli bino va inshootlar, kommunal xizmatlar bo'yicha sarf xarajatlari tizimli ravishda o'rganiladi hamda kommunal xizmatlar bo'yicha shartnomalar tuzilishidan oldin vazirlikning 2023-yil 10-oktabrdagi 198-sonli buyrug'i bilan tasdiqlangan kommissiya a'zolariga asoslantirilgan hisob kitoblarni ilova qilgan holda taqdim qilinadi. Mazkur sarf harajatlar tegishlilik bo'yicha komissiya a'zolarining xulosasi olingandan so'ng shartnoma tuziladi.

Shuningdek, vazirlikda energiya resurslaridan samarali foydalanish maqsadida vazirlikning 2024-yil 29-avgustdagi 23-157-sonli “O‘zbekiston Respublikasi Iqtisodiyot va moliya vazirligida energiya resurslaridan samarali foydalanish chora-tadbirlari to‘g‘risida”gi buyrug‘i qabul qilingan, unga asosan, energiya samaradorlik va energiya tejamkorlik bo‘yicha vazifalar belgilab olingan hamda uning nazoratini olib borish vazirning birinchi o‘rinbosari I. Norqulovga yuklatilgan.

Shu bilan birga, vazirlikning 2024-yil 13-sentabrdagi 209-Sht-sonli buyrug‘iga asosan, Sultanov Davranbek Atabekovich energiya menejeri lavozimiga tayinlangan. Mazkur lavozimning vazifalari vazirlikda energiya tejamkorligini nazorat qilish hamda energiya sarf xarajatlarini minimallashtirish bo‘yicha chora tadbirlarini ishlab chiqarishdan iborat.

Ishlab chiqilgan chora-tadbirlarga muvofiq, har chorakda vazirlikning mol-mulkidan qanday foydalanish, ta‘mirlash va qurilish hamda obodonlashtirish va kommunal xizmatlarning moliyaviy va iqtisodiy samaradorligini baholash bo‘yicha **batafsil ma‘lumotlar jamlanib**, vazirlik rahbariyatiga **axborot kiritib borish tizimi yo‘lga qo‘yilgan**.

2-band bo‘yicha:

Vazirlikda xodimlar soni va bajarayotgan funktsiya va vazifasidan kelib chiqib, kanselyariya mollarining sarflanishi bo‘yicha aniq me‘yorlar o‘rnatilgan bo‘lib, har bir departament va mustaqil boshqarma va bo‘limlar kerakli kanselyariya mollari uchun talabnoma yozib tasdiqlangan holda ishlar boshqarmasiga taqdim qiladi, yig‘ilgan talabnomalarga asosan kanselyariya mollari sotib olinadi, ortiqcha sarf-xarajatlarga yo‘l qo‘yilmaydi.

Korrupsiyaning oldini olishning asosiy choralardan bo‘lgan ochiqlik, shaffoflik hamda jamoatchilik nazoratini kuchaytirish maqsadida vazirlik tomonidan amalga oshirilgan shartnomalar to‘g‘risidagi ma‘lumotlar har chorakda vazirlikning rasmiy saytiga joylashtirib borilmoqda.

3-band bo‘yicha:

Vazirlik balansidagi avtotransport vositalrining ro‘yxati va mazkur avtotransport vositalarini ta‘mirlash bilan bog‘liq sarf xarajatlar to‘g‘risidagi nuqson dalolatnomalari hamda shartnomalar vazirlikning rasmiy saytiga joylashtirilib borilmoqda.

Shuningdek, avtotransport vositalarini ta‘mirlash ishlarini me‘yorlarini tahlil qilishda korrupsiyaviy xavf-xatarlarni minimallashtirish borasida vazirlikda avtoparkni boshqarish tizimi va har bir avtomashina uchun **elektron pasport va hisobot tizimi joriy etildi**.

Avtotransport vositalarini ta‘mirlash ishlarining **narx-navosini ochiq tarzda belgilash** hamda ulardan foydalanish bo‘yicha muntazam ravishda **ichki audit nazorati yo‘lga qo‘yildi**.

Havola: <https://www.imv.uz/opendata/category/pf-6247-1-ilova-boyicha-malumotlar?page=1>

4-band bo'yicha:

Ichki audit xizmati tomonidan 2024-yil uchun tasdiqlangan ish rejasi va rejadan tashqari topshiriqlar bo'yicha audit tadbirlari o'tkazgan.

Jumladan, Iqtisodiyot va moliya vazirligi tizimidagi **62 ta** budjet tashkilotida davlat xaridlarini qonunchilik talablariga rioya etilishi hamda xarid komissiyalari faoliyati bo'yicha **11 marta** audit tadbirlari o'tkazilgan.

Bundan tashqari tizim tashkilotlari tomonidan amaldagi me'yoriy hujjatlar asosida faoliyat yuritayotgani bo'yicha **2 marta** masofaviy audit tadbirlari hamda **3 ta obyekt**da fuqarolar tomonidan tanlangan yo'nalishlar bo'yicha audit tadbirlari o'tkazilgan.

Ichki audit obyektlarining o'rganishi jarayonida o'tkazilgan ichki audit tadbirlari davomida barcha shartnomalar **UzASBO**, **UzASBO-2** dasturiy majmuasi orqali ro'yxatdan o'tkazish hamda "Davlat xaridlari elektron tizimi" orqali shartnomalar tuzish tizimi yo'lga qo'yilgani bo'yicha "DMBAT" AT va davlat xaridlari maxsus axborot portalidan olingan ma'lumot asosida "Davlat xaridlari to'g'risida"gi Qonun va boshqa me'yoriy hujjatlar talablarga mosligi yuzasidan doimiy monitoring tizimi yo'lga qo'yilgan.

O'tkazilgan audit tadbirlari natijasi bo'yicha vazirlik rahbariyatiga tegishli tartibda axborot kiritib borish amaliyoti yo'lga qo'yilgan hamda audit tadbiri yakuni bilan rasmiylashtirilgan hisobotlar va to'plangan materiallar belgilangan tartibda O'zbekiston Respublikasi Bosh prokuraturasiga huquqiy baho berish uchun yuboriladi.

5-band bo'yicha:

Xo'jalik shartnomalarining bajarilgani yoki tegishli darajada bajarilmagani yuzasidan ichki audit tadbirlari jarayonida "Davlat xaridlari to'g'risida"gi Qonun va sohaga oid me'yoriy hujjatlarga rioya etilishi yuzasidan **184 ta** holat o'rganilib **tahlil qilindi.**

O'rganish jarayonida har bir shartnomaning shartlari va talablari, shartnomalarda belgilangan vazifalar va xizmatlarning to'liq bajarilishi yuzasidan o'rganish ishlari amalga oshirildi.

Shuningdek, haqiqiy bajarilgan ishlar hajmi va sifati shartnomada belgilangan talablarga mosligini aniqlash hamda shartnomalar **UzASBO**, **UzASBO-2** dasturiy majmuasi orqali ro'yxatdan o'tkazilgani bo'yicha doimiy monitoring tizimi yo'lga qo'yilgan.

6-band bo'yicha:

Vazirlikda vakant lavozimlarga tanlov e'lon qilish va o'tkazish jarayonida ochiqlik va shaffoflikni ta'minlash maqsadida vazirlikning 2023-yil 12-iyuldagi 137-sonli buyrug'i bilan "Iqtisodiyot va moliya vazirligi tizimiga ishga qabul qilish tartibi to'g'risida nizom" hamda "Iqtisodiyot va moliya

vazirligining tanlov komissiyasi tarkibi” tasdiqlangan bo‘lib, nomzodlarni O‘zbekiston Respublikasi Prezidenti huzuridagi Davlat xizmatini rivojlantirish agentligining “vacancy.argos.uz” platformasi orqali ishga qabul qilish mexanizmi yo‘lga qo‘yilgan.

Joriy yil davomida mazkur platforma orqali **81 ta vakansiya e‘longa berilgan** bo‘lib, *(ma‘lumot uchun ushbu vakansiyalar bo‘yicha 4593 nafar nomzod ariza topshirgan)* shundan, **58 ta vakansiya bo‘yicha 58 nafar** nomzod tanlov komissiyasi tomonidan munosib deb e‘tirof etilib ishga qabul qilingan. Qolgan vakansiyalar bo‘yicha esa nomzodlar belgilangan malaka talablariga mos kelmagan va test sinovlaridan muvaffaqiyatli o‘tmagan.

Vazirlikka ishga qabul qilish jarayoni ochiq, shaffof va meritokratiya tamoyillari asosida amalga oshirilmoqda.

7-band bo‘yicha:

O‘zbekiston Respublikasining “Davlat xaridlari to‘g‘risida”gi Qonuni, shuningdek, vazirlikning 2023-yil 10-oktabrdagi 198-sonli “Iqtisodiyot va moliya vazirligida davlat xaridlari jarayonini tashkil etish to‘g‘risida”gi buyrug‘iga asosan, 2024-yil davomida vazirlikda xizmat yoki tovarlar yetqazib beruvchilarni aniqlash talablari bo‘yicha qator vazifalar amalga oshirilgan.

Jumladan, vazirlikda joriy yil 1-dekabr holatiga xizmat yoki tovarlar yetkazib beruvchilar bilan **jami 890 ta shartnoma tuzilgan** bo‘lib, shundan:

595 ta – elektron do‘kon orqali;

5 ta – boshlang‘ich narxni pasaytirish uchun o‘tkaziladigan auksion;

9 ta – eng yaxshi takliflarni tanlash;

1 ta – tender;

330 ta – to‘g‘ridan to‘g‘ri shartnomalarni tashkil etadi.

Barcha shartnomalar davlat xaridlari qonunchiligi talablari asosida amalga oshirilgan bo‘lib, vazirlikning 2023-yil 10-oktabrdagi 198-sonli buyrug‘ining 3-ilovasiga asosan, “Iqtisodiyot va moliya vazirligida eng yaxshi takliflarni tanlash, tender, to‘g‘ridan to‘g‘ri shartnomalarni rasmiylashtirish va yuritish ma‘muriy reglamenti”ga muvofiq, davlat xaridlarini amalga oshirish bo‘yicha tuzilayotgan yuridik majburiyat va shartnomalarni Korruptsiyaga qarshi kurashish va komplayens nazorati bo‘limining mas‘ul xodimlari tomonidan korruptsiyaga qarshi kurashish siyosatiga mosligi baholanib, tegishli xulosalar berish tizimi yo‘lga qo‘yilgan.

Davlat xaridlari to‘g‘risidagi ma‘lumotlar vazirlikning rasmiy saytiga joylashtirilgan.

Havola: <https://www.imv.uz/opendata/category/pf-6247-1-ilova-boyicha-malumotlar?page=1>